

彰德府志



10.27 卷25

章德府志目錄

卷首

上諭

聖製

舊序

銜名

凡例

圖說

卷一

天文

地理

卷二

山川

卷三

建置

卷四

古蹟

卷五

學校

書院 義學附

卷六

職官

考 表

卷七

官蹟

卷八

官蹟

卷九

選舉

科第

薦辟

貢舉

武勳

封爵

卷十

武備

卷十一

田賦

地畝
起運
墾荒
驛站

科則
存留
耗羨
雜稅

正賦
雜貢
鹽引

人丁
漕糧

戶口
宗祿

卷十二

風土

風俗
物產

卷十三

人物

名臣

卷十四

人物

庶官

卷十五

人物

忠烈

卷十六

人物

孝友

卷十七

人物

儒林
文苑
行誼

卷十八

人物
義行
隱逸
技藝
流寓

卷十九

列女
賢母
賢婦
孝女
孝婦
烈女
烈婦
義女
義婦
完節
完婦

卷二十

完節
貞壽
貞女

列女

卷二十一

寺觀
仙釋附

卷二十二

藝文
制誥
奏疏
書啟

卷二十三

藝文

序 跋

卷二十四

藝文

碑記

卷二十五

藝文

碑記

卷二十六

藝文

碑記

卷二十七

藝文

論 贊 銘 議 考 說 傳
雜著 誌

卷二十八

藝文

詩

卷二十九

藝文

詩

卷三十

藝文

賦

卷三十一

禮祥

卷三十二

雜記

雜行

拾遺

雜錄

彰德府志卷二十五

記中

創建精忠廟碑記

明徐有貞

國之有忠義猶天地之有元氣天地非元氣不運國非忠義不立天地之主以道國之主以人道無私而人多慾故天地不自害其元氣而國有自害其忠義者至要其終則亦有萬世之公論存焉如宋岳鄂武穆王是已當徽欽之既北狩而高宗南渡也宋之不亡僅如一綫之屬旒國無其人誰與復立王於是奮自徒步應募兩起歷禪校至大將小戰百餘大戰數十鋒不少挫而益勁遂平南北羣盜傾僞齊以蹙金蓋王之忠義勇智皆得之天非矯僞而爲

者故以恢復爲己任才與智副名與實稱南渡以來一人而已當是時中原幾復奈何主蔽於奸忘讐忍恥自棄其土而不能成中興之大功此則宋之不幸中國之不幸而豈獨王之不幸哉論者謂方郾城戰勝進軍朱仙鎮兀術將棄洛遁詔趣班師使王持將在軍君命有所不受之義堅執北伐乘屢捷之勢而滅之盡收故疆措置已定然後秦凱旋師歸身謝罪顧不愈於束手就戮而志不得伸耶此亦一義然未得其常也夫將不專制久矣惟漢趙充國之破西羌嘗違詔而申己策以上有孝宣之明下有魏相之忠與協耳不然則如孔明之受託昭烈桓溫劉裕之專制晉權乃可以拜表而卽行彼高宗之去孝宣遠矣又濟

之以奸檜之賊王旣無孔明君臣之契而溫裕又非王之
所肯爲者此所以寧死而不敢專制也歟嗚呼於此益可
以見王忠義之誠矣是以自宋及今合天下人所共扼腕
傷歎聲其害王者之罪而誦王之烈不已非所謂公論之
存於萬世者乎歲己巳八月皇帝初卽大位以統幕師燾
上皇未復寇方內偪乃命侍講臣珵等十有五人分鎮要
地遏亂畧糾義旅以爲京師聲援而臣珵實來彰德彰德
古相州也湯陰爲其屬邑邑之周流社王之生地也間因
行縣至焉旣臨祭王之父祖墓而封守之乃集郡縣僚吏
師生父老於庭而諭之忠義及王之祠事皆喜躍願効力
其明年春珵以名還乃具列王之功於禮當祀者以聞詔

可祠旣成勅賜榜曰精忠廟而俾有司春秋祭享如制於是書其事於麗牲之碑而識其相事者之職名於碑陰又爲迎送神之辭使歌以侑享旣以慰王之靈於冥漠且以爲天下忠義之勸云其辭曰王歸來兮毋疑猶寧不懷兮舊邱昔伏劍兮南遊刷國恥兮復君讐王之烈兮蓋九州羌彼姦兮忠是誅神胡爲兮滯留駕鳳鵬兮驟雲虬嫺鄉邑兮少休聳有醴兮俎有羞式樂享兮春與秋王將去兮之何方胡不睠兮故鄉爰弭節兮迴旌肆容與兮翱翔肅羽騎兮成行彎强弧兮射天狼福我民兮佑我皇干戈戰戰兮無水旱傷蠲我祀兮烝與嘗江之南兮河之北往復還兮樂未央

碑陰記

有貞初至周流社視王之先墓時則有叅政嚴陵宋興率郡縣官屬暨教諭東安袁純以從方設祭間俄有大鳥若隼盤雲而下翔集塚顛侍行令人邵海引弓射之矢至而舉有貞覺其異也遽叱止之少焉復集終事乃翥風而去見者皆以爲神及還方議建祠衆雖樂從顧無能專主其事者純請以身任焉至是竟克有成皆其力也出資以相之者自藩臬府衛官僚下逮士庶凡與焉者並識其名於碑陰與字厚仁惇謹有守以引年去純字一之文學行誼咸有可稱蓋不特建祠一事也有貞當時猶未更名故文中仍書其舊而題銜則以名行云

舊志

鄴守閔雨記

明崔銑

五年春王正月不雨二月不雨三月乙酉鄴守雩籲於羣
神丁亥雨四野播穀暨菽麥大熟自秋七月不雨至於九
月朔翼日壬午鄴守雩籲於羣神戊子雨民大種麥歲則
豐說者曰不雨何以再書閔雨也閔之者有志乎民者也
守之夷視民者多矣故賦緩供役失期必亟督之舍是亡
亟焉一月不雨謂之乾再月不雨謂之亢一時不雨謂之
稿稿則稼有害者矣一稼不登謂之乏二稼不登謂之匱
三稼不登謂之饑則溝有瘠者矣故守莫大乎閔雨雨何
以書著徵也有志乎民者天歆之錫之霖以慰其懇懇切
切焉天之愛民甚矣豈其使一守偃然民上以縱其私而

莫之咎亦豈其使良守焦

之答雋何以書

錄政也鄴守罪躬檢事大施

服禁酷徙市出

滯獄創冗費禱以心也非

事應以實也非幣玉焉

供是故浹日而雲再浹而落而聲發形進而影移夫

念至微也天必格之而升馨者與善可通也則反

乎是者其能揜乎故隱如顯者有旨哉有旨哉鄴

守者爲誰陽信馬子忠夫

舊志

趙府視學記

明崔銑

正德中趙莊王起行篤學時安陽李道明經能文其徒多
被薦而道竟不第需選閒居惟莊王賢之一日造道舍請
爲賓友道稽首伏謁謝又令授世子毛氏詩禮貌甚虔當

是時鄴人咸知貴學不敢輕視士矣王嘗視縣學又自作
文廟宇將視府學弗果世子每惟先志旣悼且思成之正
德辛巳禪祔甫終帝冊適至廼卽王位大懋素業八月上
丁王御冠服陳侍從虔中肅躬入府學禮先師焉俯興殿
上侑以牲采薰香旣徹誠意遂達盼蠻之頃如臨左右已
乃升明倫安法坐進諸生而詢學士員臣講易文英講書
秀講詩成錦講春秋晟講戴禮天人之紀經世之法載抽
肯綮遂隆感勸王聞言而決謚道而符乃賚諸生乃揭舊
扁先志斯成雅業益固郡守陳公策敬賀禮成於戲貴張
人之戈富塞人之聯旣張且塞善其遠而夫思分於鴻鶴
旁其奕業荒於博塞亡其羊故道亡重經亡耆志於善

僻避樂於經則他好息經以定志志以盡性今王卽位矣
屏淫樂去褻使端居靜持恭修儉養非士不親非典不耽
於乎修藩職而助新化其將爲漢之東平也乎嘉靖改元
壬年秋八月安陽知縣韓公德澤刻石紀成

舊志

安陽縣修學記

明 崔 銑

余聞之上者民之表也其視民不可亡其道也夫民之爲
性稟於土者其質殊感於化者其尙殊成於染者其安殊
反其殊而內之道者是故上之爲之也安陽達邑也正德
辛未壬申之間其民罹於虐政而累於巨寇燕山章公來
知安陽鎮靜亡擾民之芘矣章公曰未矣未矣其道之以
學乎乃取帑之美者決輕繫之贖者富民之願有獻者遂